

a MARTINO HEGNERO, classis hujus praeceptore, ad literas in syllabas cogendas & ad prima fidei christianae elementa fuit institutus. Neque prius in scholasticis subselliis locum occupare destitit, quam singulas scholae classes ordine peragrauit. Postquam igitur omnibus ac singulis scholae triuialis praeceptoribus diligentiam, probitatem, modestiam, obedientiam, dexteritatem denique satis probauerat; vix duodecim annos natus a. MDCLXXIX. dignus habitus est, qui Gymnasii Casimiriani ciuibus adscriberetur. Anno ergo, quem diximus, in Ducale Paedagogium translatus, post triennium, anno nimirum MDCLXXII. publicis hujus illustris collegii auditoribus fuit annumeratus. Studiosus Gymnasticus Professorum suorum lectionibus cum publicis, tum priuatis assidue interfuit. A JOHANNE SCHVBARTO, & qui huic successit, JOHANNE SAVERBREIO, Directoribus Gymnasii, Theologiam & Philosophiam addidicit. FRIDERICVS CALENVS, Paedagogiarcha, Eloquentiae, Historiae & Philosophiae moralis Professor, stilum latinum, artem oratoriam & linguam italicam eum docuit. Duce JOHANNE ACHATIO COLERO, Mathematicum & Linguarum orient-